


Klein Suffenstra', Höflân to Grou biwenne troch Izaäk de Haan



Op myn listke fan pleatsen yn it Grouster Höflân stie ek „Klein Suffenstra”. Ik wist út myn bernejieren noch wol hwat pleats dat wie, alhoewol de namme „Klein Suffenstra” tige áld is, sei yn myn skoalitiid de namme „Jochum Klazes Pleats” ús dochs folle mear.

Yn dy tiid, foaral simmerdei, dan kaem ik dêr wol ris as ik op in nei-middei mei de molkfarder mei mocht, as hy de route hie fan Bliken en Höflân. By it tinken dêr oan, komt sa'n reiske wer alhiel nei foaren. Hwat wie it moai mei de skou tusken de griene wâllen troch, faeks bigroeid mei de snilen fan de kalmoes en forsierd mei de giele irisblom en de snoekeblom yn it wetter.

Dan by alle boeren lâns, de waeien súpe bussen ôfsette en op 'e weromreis de molkbussen ynlade en dan faek by de boerinnen in stikje koeke, in muntsje of in suertsje. It wie foar it bern in feest.

Ien fan de pleatsen hwer't wy dan ek kamen wie de pleats fan Jochum Klazes „Jochum Klazes Pleats”, „Klein Suffenstra”. De earste namme is al lang forgotten, de lêste is dêr noch en sil bliuwe ek.

Hwat út Jochum Klazes tiid biwarre bleaun is dat is de Jochum Klazes raei. Eltse lânbrûker út dizze omkriten wit hwat dizze raei is.

Doe't dit wer neamnd waerd gongen myn tinzen werom nei myn lânboeskoolletiid en miende ik noch to witten dat wy dêr doe hwat fan leard hiene, mar hwat? Efkes tinke en doe wist ik it. Ik seach ús learaer, myn hear Rauwerda, wer tusken de skoallebanken trochrinnen, de beiden tommen by it festje yn en dan helder en klear diktearje oer greide- en gerssoarten, de goede en de tsjoede soarten, greide-ûnkrûd en sokke dingen mear. Ek hoe't yn bipaelde die-len fan Fryslân bipaelde gerssoarten roeiden.

Hy hat ús forteld fan in raei yn it Grouster Höflân, hwer't men net bliid mei wie. Dizze gerssoart moat der kommen wêze troch in fracht hea, dy't ôfkomstich út 'e Kûnder lost wie yn it Swin, it wie heech ryp hea en dit sied siet los yn de raeiplûm. Hoe't it krekt wie wit ik net mear, mar fan dit hea is der guods (it kin ek alles wêze?) by Jochum Klazes to lânne kommen. It sied is troch dong ensfh. op it lân kommen en dêr hat it him útplante en aloan fierder útwreide. Sa fortelde doe, dat wie 1911—1912, Rauwerda ús.

Ik wist it wer klear, mar koe de goede namme net mear bitinke.

By neifreegjen blykt de offisjele namme „Beemdvossestaart” to wêzen.

Doe't ik mei de hear Izaäk de Haan, de tsjintwurdige biwenner fan „Klein Suffenstra” hjir oer praette, blyk dat hy nou just net sa wiis mei dizze gerssoart wie. „Wy reitsje har nea wer kwyt, it giet noch altyd fierder en is nou al to finen op Tsjaerd by Wurdum.”

„Is it min gers?” frege ik oan De Haan. „Foarhinne wol, wy kinne it nou wol oan, mar it freget tige omtinken, bitiid meane, koart weidzje en sterk dongje. Foarhinne doe't menolle letter mei meanen wie waerd de raei, ja de hiele plant houterich en sa-dwaende minder to fortarren. Nou meane wy foar eigentlik heal maeije, en dat kin nou, kûlje of nei de droegerij en dan is it goed hwant it hat dit foar dat de opbringst great is”.

Sa siet ik mei de hear De Haan fuort al yn ien fan de problemen fan syn pleats. Hy hie eigentlik gjin tiid, hwant in leanbidriuw wie dwaende „de Beemdvossestaart” oan in kûle-bult to bringen, mar dochs hawwe wy de tiid der efkes fan nommen, sadat ik nije wike noch it ien en oar fan dizze pleats fortelle kin.

Doe't ik op „Klein Suffenstra" oankaem ha ik earst alles ris yn my opnaem. Der wie de opfeart, der wie it stalt hwer't de molkbus-sen delset waerd. Oan de foarein wie foar it each net folle foroare.

Doe't ik dit aan de hear De Haen sei andere dy, „dat nim ik wol oan, mar oars hat de tiid ek hir net stil stien, ek net foar „Klein Suffen-strā".

Jo hawwe le minskē al dwaende sjoen by de silo's mei it ynkūl-jen. Yn de winter gie' dit kuil oer de souder nei de kij. It wurdt mei in transporteur nei bopper brocht en letter mei in plastyk kroade nei de lüken brocht. Yn it bûthús is ek wol it ien en oar foroare.

De mjukskroade brûke wy net meer. Wy komme mei de trekker yn it bûthús, aan eltse kant fan de trekker hawwe wy in bak meitsje litten en sa wurde de groppen fan de dûbele rige tagelyk o-n beide kanten leech makke.

Alles is bidoeld om minder wark to hawwen. Dat moat nou ienkear yn dizze tiid.

Spitich foar dizze pleats is dat de nije forkearswei it Hearrenfean-Ljouwert troch de pleats hinne moast, dat hat net allinne lân koste, mar ek in heap ekstra wark mel-brocht.

Doe't it spoar oanlein is kaem der 14 poumsmiet oer it spoar to lizzen, mear lestich as it slim wie. Mar nou mei dy drokke forkearswei der njonken nou is it wol slim wur-den. Hwat moatte wy faeks lang wachtsje foar dat wy oerstekke kin-ne. As der fé hinne moat is dat hast net to dwaen. It jongfē bringe wy der faek mei de féauto hinne. Sa sjogge jo dat der dochs hiel hwat foroare is".

Sa fortelde de hear De Haan my. Hy hie it drok, dêrom haw ik it net to lang makke. Myn yndruk wie in libben bidriuw. hwer't heit en soan

it stede busken [] slacht op
Idaerd, it oare op Grou. T.H.

de skriuwers on Haan helleb 2 pleaten
trach schow : Klein Suffenstra iende Grou
en Klein Suffenstra worden Idaerd.

(GROTE BOERDERY)
KLEIN SUFFENSTRĀ WAAR DE HAAN BOERDE
IS MA ZIJN VERTREK AFGE BROKEN

KLEIN SUFFENSTRĀ (KLEINE BOERDERY of GROUW)
BESTAAT 1987 NOG, BEVYONER YD MEULEM M?

G.B.

wol witte h wat se dwaen moatte. 35 ha great en sa'n 40 melke kij. It lân oan ien kavel mei spoarwei en forkearswei der trochhimne.]

Hoe wie it hir foarhinne, hwa wie eigener, hwa hawwe der wenne. Yn de floreen- en stimkohieren fan Grou wurdt „Klein Suffenstra" neamd under nû. 31 ien stim dragende.

1640 Van Roorda eigener.

1698 Waltje v. Heitma, widd. fan kapt. Andries Roorda $\frac{7}{8}$ part eigener, " Velsen tot Grouw en Adrianus Botnia $\frac{1}{8}$ part eigener, brûker Foke Pybes.

1700-1728 as yn 1698.

1738 mefr. Velsen eignerske, Foke Pybes brûker.

1748 Burgemeester Bourboom $\frac{1}{4}$ part, sekr. P. Bruinsma $\frac{1}{3}$ part en secr. T. A. Hylkema $\frac{1}{3}$ part eigener, Foke Pybes brûker.

1758 Burgemeester Bourboom eigener, Piebe Fokes brûker.

1768 Mevr. Iskjen Katharina Bourboom widd. Van Sloterdijck eigner-ske, Piebe Fokes brûker.

1778 selde eigeners as yn 1768.

1788 Weledel geb. Vrouwe J. C. Bourboom, widd. Van Sloterdijck en de heer J. P. Hylkema eigeners, Klaas Klazes Sipma brûker.

1798 J. F. W. Y. C. en A. van Sloterdijk eigener. Klaas Sipma brûker.

1818—1858 Fam. Sipma earst brûker, letter eigener en brûker. 1858 Klaas en Sjouke P. Sipma eigener, Klaas Pieters Sipma brûker.

[Oant safier de floreenkohieren. Der wile 60 poumsmiet floreenplichtich lân by. Letter wenne Jochum Klazes Postma der en yn 1917 kamen Gosse de Haan en Janke Heide der to wenjen.

Fan 1947—1957 buorken Gosse de Haan mei syn soan Izaak de Haan, dy't trouw is mei Trijntje Groene-veld der.

1957—1964 hawwe dizze lêsten it hiele bidriuw. Eigenerske mefr. Van der Sluis-Eppes út Haren (Gr.).

Ik wol eindigje mei de fam. De Haan ta to winskjen, dat de bân dy't dêr groeiende is, fuortset wurde sil fan heit op soan. De kâns is der.]

d. H.

KLEIN SUFFENSTRA (Grou)

Yn it âld Frysk langhûs
wurdt net mear buorke



Aldsté mei langhûs dêrt nou net mear yn buorke wurdt.

As ik mei de trein nei Ljouwert riid, sjoch ik altyd, as ik Grou foarby bin, efkes nei de boerepleatsen yn it Hoflân en sykje dan it spul fan Van der Meulen der út, dat noch eat biwarre hat fan earder tiid. Ien fan de inkeld huzingen hweryn it eardere type „langhûs“ yn werom to finen is.

Mytinzen geane dan faek nei it forline en fantasearje, wylst de trein mei tûzen hasten troch de lânsdouwe sjit, it libben op in boerepleats fan doe. Dêr sil it gâns râstiger west hawwe.

Doe't ik by de famylje Rameijer siet hearde ik dat dit âlde langhûs gjin tsjinst mear die as boerepleats. It wie gjin great spul en it lân dat der by wie, is forkocht. De boer, de hear Douwe van der Meulen hat oar wark opnommen cn de huzinge docht nou allinne noch tsjinst as wenhûs.

Ik koe it net litte, ik bin der efkes hinne ride en ha in praetsje makke mei vrou Van der Meulen. Ik bin noch ris troch it bûthûs en berch stapt en ha it ien en oar noch ris bisjoen. Foaral hwat wenning oangiet wie der al gâns foroare, bûthûs en heaberch lizze noch forboun troch it heafek as fan âlds neistelkoar. It lit him tinke dat yn dizze tiid sa'n pleatske mei in bytsje lân, de bisteansmooglykeden yn it gedrang komme en ik kin my yntinke dat de tsjintwurdige biwenner nei oare ynkomen omsjoen hat. Mar ik sil it spitsih fine dat dit âlde spul, dat mei in oanwizing is yn de Fryske boerepleatse-histoarje der straks net mear wêze sil.

Hwa't fan pleatsenbou mear witte wol slacht ris nei: Het Friesche Boerenhuis in Twintig eeuwen van S. J. v. d. Molen. Dat boek jowt in byld fan ús pleatsenûntjowing en op side 31 wurdt ek ien en oar forteld oer dizze âlde pleats.

d. H.

"S.J.v.d.Molen ,Het Friesche Boerenhuis"
neamt dizze pleats "Klein Suffenstra" (pag. 31)
Hy leit 250 m. súdlik fan "Groot Suffenstra"
wylst de pleats dy't troch de H. "Klein
Suffenstra" neamd wurdt 300 m. noardlik fan
"Groot Suffenstra" leit